

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-11-635/26-5

Datum: 01.04.2026. godine

Na osnovu člana 64. stav 1. tačka b, člana 70. stavovi 1, 3. i 6. Zakona o javnim nabavkama (Službeni glasnik BiH broj 39/14, 59/22 i 50/24), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06) člana 43. Statuta Općine Banovići (Službeni glasnik općine Banovići broj 2/20) i Preporuke Komisije za javnu nabavku, broj: 01-11-635/26-4 od 31.03.2026. godine u postupku javne nabavke usluga, „Izrada Glavnih projekata energetske efikasne rasvjete na području općine Banovići“, Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 01-11-635/26-4 od 31.03.2026. godine za nabavku usluge „Vršenje usluge nadzora na izvođenju radova na izgradnji energetske efikasne javne rasvjete na području općine Banovići“ dodjeljuje se ponuđaču GRAĐEVINSKI INSTITUT d.o.o. Banja Luka sa sjedištem u ul. Ada 24, 78000 Banja Luka, prema ponudi broj: GIBL- PG- 841-3/26 od 11.03.2026. godine za ukupnu ponuđenu cijenu od **8.800,00 KM** bez PDV-a, kao ponuđaču čija je ponuda najpovoljnija u ovom predmetu javne nabavke.

Član 2.

Prijedlog Ugovora o nabavci usluga dostavit će se na potpis izabranom ponuđaču iz člana 1. ove Odluke nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku od 7 dana računajući od dana kada su svi ponuđači obaviješteni o izboru najpovoljnije ponude, pod uslovom dostave uredne dokumentacije iz člana 45. Zakona.

U slučaju nedostavljanja dokumenata i izjavljivanja žalbe na Odluku o izboru postupa se prema pozitivnim propisima.

Član 3.

Ova Odluka objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14; 59/22 i 50/24).

Obrazloženje

Odlukom o pokretanju postupka javne nabavke usluga broj: 01-11-635/26 od 20.02.2026.godine donesenoj od strane ovog organa pokrenut je postupak javne nabavke usluga „Izrada Glavnih projekata energetske efikasne rasvjete na području općine Banovići“

Predmetna javna nabavka predviđena je u Planu javnih nabavki Općine Banovići za 2025. godinu, evidencijski broj 28 - Usluge.

Javna nabavka usluga sprovedena je putem otvorenog postupka javne nabavke.

Procijenjena vrijednost javne nabavke bez PDV-a je 18.000,00KM.

Podaci o e-aukciji: U postupku nije predviđeno provođenje e-aukcije.

Podaci o okvirnom sporazumu: Nije predviđeno zaključivanje okvirnog sporazuma.

Broj Obavještenja o nabavci sa Portala javnih nabavki:1220-1-2-13-3-39/26 od 23.02.2026. godine.

Tenderska dokumentacija objavljena je na portalu javnih nabavki <https://www.ejn.gov.ba> dana 23.02.2026. godine.

JRJN oznaka i naziv predmeta javne nabavke:

71242000-6(Izrada projekta i nacрта, procjena troškova).

Komisija za javnu nabavku imenovana je rješenjem Općinskog načelnika broj: 01-04-84/26 od 14.01.2026. godine, ovom organu dostavila je dana 01.04.2026. godine Zapisnik o pregledu i ocjeni ponuda broj: 01-11-635/26-2 od 26.03.2026. godine, Zapisnik o pregledu i ocjeni ponuda-nastavak pregleda i ocjene ponuda od 26.03.2026. godine broj: 01-11-635/26-3 od 31.03.2026. godine i Preporuku o izboru najpovoljnijeg ponuđača broj: 01-11-635/26-4 od 31.03.2026. godine u postupku javne nabavke usluga „Izrada Glavnih projekata energetske efikasne rasvjete na području općine Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda za navedenu nabavku tri (3), ponude sljedećih ponuđača:

1. TUZEX d.o.o. Tuzla, sa sjedištem u ul. Husinskih rudara 5-7, 75000 Tuzla, (datum predaje ponude 16.03.2026. godine; vrijeme predaje ponude 08:25 h),
2. Institut za građevinarstvo „IG“ d.o.o. Banja Luka, sa sjedištem u ul. Kralja Petra I Karađorđevića 92-96, 78000 Banja Luka, (datum predaje ponude 16.03.2026. godine; vrijeme predaje ponude 08:54 h),
3. GRAĐEVINSKI INSTITUT d.o.o. Banja Luka sa sjedištem u ul. Ada 24, 78000 Banja Luka, (datum predaje ponude 16.03.2026. godine; vrijeme predaje ponude 08:55 h),

- da je blagovremeno zaprimljeno svih 3 (tri) ponude,

- da nema neblagovremenih ponuda,

- da su ponude ponuđača Institut za građevinarstvo „IG“ d.o.o. Banja Luka, sa sjedištem u ul. Kralja Petra I Karađorđevića 92 i GRAĐEVINSKI INSTITUT d.o.o. Banja Luka sa sjedištem u ul. Ada 24, 78000 Banja Luka ocijenjene prihvatljivim, a da je ponuda ponuđača TUZEX d.o.o. Tuzla, sa sjedištem u ul. Husinskih rudara 5-7, 75000 Tuzla odbačena kao neprihvatljiva i/ili nepravilna, iz sljedećih razloga:

1. Ponuda ponuđač TUZEX d.o.o. Tuzla

Ponuđač TUZEX d.o.o. Tuzla je kao dokaz, da će na raspolaganju za angažman na poslovima koji su predmet ove nabavke imati stručno lice građevinske struke kao spoljnog saradnika, dostavio Ugovor o djelu 91-11-1/26 zaključen dana 12.03.2026. godine između naručioca posla Tuzex d.o.o. Tuzla i Đulović Amele dipl.inž, građevine.

Tačkom 17.4. Tenderske dokumentacije - Tehnička i profesionalna sposobnost - u smislu člana 48. i 50. Zakona određeno je da ponuđači što se tiče tehničke i profesionalne sposobnosti trebaju ispunjavati sledeće minimalne uslove:

- a) Da ima na raspolaganju najmanje jednog diplomiranog inženjera građevine/bachelor inženjer sa minimalno 240 ECTS sa položenim stručnim ispitom i najmanje 5 (pet) godina radnog iskustva, zaposlen u stalnom radnom odnosu kod ponuđača ili angažovan na osnovu odgovarajućeg ugovora i da ima na raspolaganju najmanje jednog diplomiranog inženjera elektrotehnike/bachelor inženjer sa minimalno 240 ECTS sa položenim stručnim ispitom i najmanje 5 (pet) godina radnog iskustva, zaposlen u stalnom radnom odnosu kod ponuđača ili angažovan na osnovu odgovarajućeg ugovora.
- b) Ponuđač mora biti registrovan i osposobljen za izvršenje predmetnih usluga.

Dokaz:

- a. Kao dokaz da ponuđač na raspolaganju ima najmanje jednog inženjera građevine/bachelor inženjer sa minimalno 240 ECTS sa položenim stručnim ispitom i radnim iskustvom od najmanje 5 (pet) godina i najmanje jednog inženjera elektrotehnike/bachelor inženjer sa minimalno 240 ECTS sa položenim stručnim ispitom i radnim iskustvom od najmanje 5 (pet) godina potrebno je dostaviti:
 - diplomu o stečenoj stručnoj spremi,
 - uvjerenje o položenom stručnom ispitu i
 - dokaz o radnom iskustvu.

Sa naznakom da ukoliko su zahtijevana stručna lica stalno zaposleni kod ponuđača, ponuđači su dužni dostaviti spisak stalnih uposlenika izdat od nadležne institucije (Zavoda PIO/MIO ili Porezne uprave) a **ukoliko su angažovani kao spoljni saradnici ponuđač je dužan dostaviti predugovor ili neki drugi dokument kojim dokazuje da će istog imati na raspolaganju za angažman na poslovima koji su predmet ove nabavke.**

Kao dokaz o radnom iskustvu, ponuđači mogu dostaviti jedan ili više dokaza kao što su: ugovor o radu, uvjerenje/potvrda od Zavoda PIO/MIO, uvjerenje/potvrda od Porezne uprave, uvjerenje/potvrda od poslodavca ili neki drugi dokument izdat od nadležne institucije iz kojeg se nedvosmisleno može utvrditi dužina radnog iskustva.

- b) Izjava ponuđača da je registrovan i osposobljen za izvršenje usluge koja je predmet nabavke. Izjava mora biti potpisana i ovjerena pečatom ponuđača. Obrazac izjave je sastavni dio ove tenderske dokumentacije (Aneks 6).

Budući da je tenderskom dokumentacijom za dati postupak u svrhu dokaza o ispunjenosti uslova tehničke i profesionalne sposobnosti između ostalog određeno i da je ponuđač **dužan**, ukoliko su stručna lica angažovani kao spoljni saradnici, **dostaviti predugovor ili neki drugi dokument kojim dokazuje da će istog imati na raspolaganju za angažman na poslovima koji su predmet ove nabavke, izvršen je uvid u dostavljeni Ugovor o djelu 91-11-1/26 zaključen dana 12.03.2026. godine između naručioca posla Tuzex d.o.o. Tuzla i Đulović Amele dipl.inž, građevine, te utvrđeno da je predmetnim ugovorom stručno lice angažovano pri izvođenju građevinskih radova na izgradnji ulične rasvjete i fotonaponskih elektrana kod naručioca posla, a ne na poslovima koji su predmet ove nabavke - „Izrada Glavnih projekata energetske efikasne rasvjete na području općine Banovići“**, te se jasno zaključeno da je ponuda ponuđača TUZEX d.o.o. Tuzla nepravilna iz razloga što ista nije u skladu s tenderskom dokumentacijom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke komisije za javnu nabavku.

Uvidom u priloženu dokumentaciju, nesporno je da je izabrani ponuđač GRAĐEVINSKI INSTITUT d.o.o. Banja Luka sa sjedištem u ul. Ada 24, 78000 Banja Luka, najbolje ocijenjen primjenjujući kriterijum najniže cijene, koja je ponuđena prema cijeni iskazanoj u ponudi broj: GIBL- PG- 841-3/26 od 11.03.2026. godine za ukupnu ponuđenu cijenu od **8.800,00 KM** bez PDV-a.

Ostali ponuđači čije su ponude ocijenjene prihvatljivima ponudili su cijene kako slijedi:

Redni broj	Redni broj ponude prema prispjeću i firma ponuđača	Ukupna cijena sa popustom bez PDV-a
2.	2. Institut za građevinarstvo „IG“ d.o.o. Banja Luka	17.900,00

Iz navedenih razloga, primjenom člana 64. stav 1. tačka b. a u vezi sa članom 70. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

1x Svim ponuđačima
koji su učestvovali u postupku JN
1x u spis
1x a/a



OPĆINSKI NAČELNIK

dr. sc. Mehmed Hasanović, dipl. ing. maš.